

2017. jeste da Kladaša napreduje u nazadovanjima! Zapažena organoleptička poboljšanja su hvale vrijedna, ali pogoršanje socioekonomske situacije, nejednakosti građana, povećanje siromaštva nisu poželjne refernce!

Istini za volju na martovskom zasjedanju 2017. Senata općinski načelnik je uputio „A Call to Action /Poziv za djelovanje, akcentirajući na vanrednu situaciju koja implicira vanredno stanje! Međutim, krenulo se stihijski bez koncenzusa! Nastavilo se sa ignorisanjem građanskih inicijativa, diskriminacijom medija, međusobnim hvalospjevima i opjevavanjima, bez kritičkog promišljanja i otvorenih dijaloga sa neistomišljenicima. Dominira verbalna oranmetika sa prepoznatljivim provincijalizmom! Okupljanja stranačke pješadije, pastirskih „intelektualaca“ bez referenci, vlasnika krivičnih prijava i sijaset neriješenih pitanja sa zakonima ponavlja se iz pretralnog vakt, neposredno prije 1990-tih. Hronologija zbivanja tokom 2017. na kladaškoj društvenopolitičkoj sceni i njeni rezultati su višeznačni. Pozicija se koprca sa samo njima znanim ciljevima bez jasne vizije, a opozicija ne pokazuje niti volje niti znanja. Dominiraju nastojanja jeftinog populizma koji još uvijek ima prođu u sredini sa veoma izraženim građanskim deficitima. Prva godina mandata aktuelne vlasti protekla je bez ijedne strateške odluke. Izmjene i dopune Prostornog plana 2002-2020. su već duže vremena na čekanju, a Strategija razvoja 2013-2024. ni nakon četiri godine nema Informacije o sprovođenju. Kroz budžete je sasvim zaboravljena!

Kladaško društvo (cjelokupnost odnosa ljudi prema prirodi i međusobnih odnosa ljudi) još nije usmjereno



Opći rezultat zaključno sa 2017. godinom jeste da Velika Kladaša napreduje u nazadovanjima

prema onom čemu se deklarativno teži, EU! Dva decembarska Kongresa dvije vodeće stranke (DNZ i LS) u javnosti nisu zapažena sa novim idejama, novim pristupima, novim poduhvatima,...! Uglavnom je de- ja'vju-već viđeno ili ničea-nskim terminom „vječnog vraćanja istog“!

Svijet i Velika Kladaša u 2017.

Neki od globalnih i lokalnih događaja 2017. godine ostaviće trajne pečate u svjetskoj i lokalnoj povijesti. 2017 godina je bila sjajna za neka od medicinskih otkrića, za nauku općenito, kao i brojna tehnološka unapređenja. Po brojnosti i relevantnosti događaja mnogi je smatraju kao godinu decenije! Klimatske promjene najavile su teško predvidljiva kretanja. Strašni požari, uragani opustošili su velika područja 10-tak država (Kanada, Kalifornija, Portugal, Španjolska, Francuska, Karibi, Vijetam...) među kojima i našeg zapadnog susjeda. Velika suša prepolovila poljoprivredne prinose na širim geografskim prostorima. Na području BiH naj-

više pogodila proizvođače jagodičastog voća. NATO je postavio četiri snažne vojne jedinice na sjeveroistočne granice EU, privatne tvrtke prvi put šalju rakete u svemir. Velika Britanija referendumom pokrenula izlazak iz EU. Žene Saudijske Arabije su prvi put u povijesti Islama sjele za volane automobila, posjećivale nogometne utakmice...

Od brojnih izbora oni u Francuskoj i Njemačkoj imaju posebnu relevanciju. U septembru 2017. u kineskom gradu Xiamenu održan je 9. sammit BRICS-a sa top temom „Suprostaviti se protekcionizmu“. Lideri su razmatrali ekonomski rast, trgovinu, investicije, finansijsku suradnju, te komunikacije. Kina će nastaviti s investiranjem širom svijeta, ali će do Kladaše stizati samo njeni proizvodi i prodavati se u luksuznom prostoru nasuprot Binga čija kalkulacija egzistencije je veoma čarobna.

Predsjednički izbori u najmoćnijoj državi svijeta izborom **Dolanda Trampa** (1946) iznenadili su u negativnom smislu većinu demokratske javnosti. Mnogi su spremni ovaj event upoređivati sa padom Berlinskog zida 1989.

Lokalni izbori u oktobru 2016. u Velikoj Kladaši izborom **Fikreta Abdića** (1939) sa 48% ili malo više od devet hiljada glasova nisu bili posebno iznaneđenje. Bolji poznavaoći kladaških (ne)prilika ovaj izbor upoređuju sa periodom pred Aferu'87.

U BiH Reformska agenda, popunjavanje upitnika (3.242 pitanja) za apliciranje za kandidatski status za prijem u EU bile su glavne preokupacije kantonalnih i viših nivoa vlasti. Stabilnost BiH je neposredno povezana sa razvojem istinske demokratije koja će obezbjediti povećanje prihoda, efikasnije funkcionisanje institucija, vladavinu prava... Prema podacima Eurostata BiH ima veoma nizak GDP p/c (korigovana sa inflacijom ispod 10.000 USD što je znatno niže od sigurnosne linije), te veoma nisku individualnu potrošnju. Velika Kladaša je dostigla oko dvije trećine bh prosjeka, ali opću situaciju značajno potpomaže dijaspora! Općinsko vijeće Velike Kladaše u ovom sazivu održalo je 19 redovnih i jednu tematsku sjednicu. Dugo vremena uspavana Čaršija kao da se počela malo „trzati“ iz čamotine. Organoleptički se proljepšala, a socioekonomski i građanski još nazaduje u odnosu na bh prosjek!

Karakteristike društveno političke situacije u 2017.

Tokom 2017. godine na prostoru od oko 330 m2 na kojem boravi oko 40-tak hiljada ljudskih duša je povećana dinamičnost, opća organoleptička poboljšanja, ali i daljne produbljavanje socijalnih razlika, povećanja ekonomske nejednakosti, prigušivanje demokratskih procesa...



nastavak na narednoj strani